

Broj: 05-02-4-8702-1/25
Sarajevo, 14.01.2026.godine

213
Int. knjige
Broj

OPĆINA VOGOŠĆA
SLUŽBA ZA PRIVREDU, INTEGRISANI LOKALNI
RAZVOJ I DRUŠTVENE DJELATNOSTI

ulica Jošanička br.80, 71320 Vogošća

Bosna i Hercegovina
Federacija Bosne i Hercegovine
Kanton Sarajevo
Općina Vogošća
23-01-2026
Broj priloga

26.01.2026

PREDMET: Odgovor, dostavlja se
VEZA: Vaš akt broj: 03-12-sl/25 od 15.09.2025.godine
Akt Ministarstva broj: 05-02-4-8702/25 od 20.10.2025.godine
Akt Federalnog ministarstva pravde broj: 03-45-3630/25 od 29.10.2025.godine

Poštovani,

Aktom broj i datum iz veze, traži se davanje odgovora u vezi prijedloga Vijećničke inicijative kojom se traži donošenje Odluke o zabrani otvaranja novih poslovnica sportskih kladionica i igara na sreću na području općine Vogošća.

U vezi sa primjenom Zakona o igrama na sreću u konkretnoj stvari, u skladu sa članom 10. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine" br. 35/05), dajemo Vam sljedeći odgovor:

Zakon o igrama na sreću ("Službene novine Federacije BiH", br. 48/15 i 60/15) je stupio na snagu 02.07.2015.godine, a članom 89 i 90. ovog zakona je već propisano da općinski organi izdaju dva dokaza u postupcima izdavanja odobrenja za uplatna mjesta za priređivanje igara na sreću klađenja kod ovog Ministarstva, i to:

- 1) dokaz o udaljenosti lokacije na kojoj se planira obavljati predmetna djelatnost, koja ne smije biti manja od 100 metara od vjerskih objekata, osnovnih i srednjih škola;
- 2) saglasnost za obavljanje djelatnosti igara na sreću na konkretnoj lokaciji poslovnog prostora, koju izdaju nadležne službe općinskog organa.

Postupak izdavanja navedenih dokaza u nadležnosti općinskog organa detaljnije je uređen čl. 12., 13. i 14. Pravilnika o prostornim, tehničkim i drugim uslovima za priređivanje igara na sreću klađenja ("Službene novine Federacije BiH", broj: 23/16 i 40/16).

Općina Vogošća je Odlukom o obavljanju poslovnih djelatnosti na području općine Vogošća ("Službene novine Kantona Sarajevo", br. 44/17) već regulisala raspored svih djelatnosti na svojoj teritoriji, pa i djelatnosti igara na sreću. Pored postojećeg pravno utemeljenog mehanizma sadržanog u općinskom propisu o rasporedu poslovnih djelatnosti na svojoj teritoriji, čijom primjenom Općina Vogošća već ima osnov da odluči da dozvoli ili ne dozvoli da se na određenoj lokaciji obavlja djelatnost igara na sreću (i svaka druga djelatnost), donošenje novog općinskog propisa kakav je predložen u predmetnoj Vijećničkoj inicijativi, sa

jedne strane bi značilo de facto stavljanje van snage pojedinih odredbi važećeg općinskog propisa u vezi rasporeda djelatnosti, a sa druge bi se istom zabranila ubuduće jedna poslovna djelatnost koja je, kao isključivo pravo Federacije BiH regulisana federalnim Zakonom. Stoga, sa stanovišta primjene Zakona o igrama na sreću, ali i Zakona o organizaciji organa uprave u Federaciji Bosne i Hercegovine i Zakona o upravnom postupku ("Službene novine Federacije BiH", br. 2/98, 48/99 i 61/22), donošenje predloženog propisa sadržanog u predmetnoj Vijećničkoj inicijativi, značilo bi istovremeno i derogiranje odredbi federalnog zakona - Zakona o igrama na sreću i koliziju sa odredbama važeće Odluke o obavljanju poslovnih djelatnosti na području općine Vogošća.

